



10/05-2023

UPA 2023/123
Emanuel Nûko, Naleraq

Naalakkersuisut inuit tarnimikkut nappaatillit amerlanerit aamma ajuutillit ilinniakkaminnik aallarteriikkaminnik naammassinninnissaannut suliniuteqarnissaannik peqquneqassasut Inatsisartut aalajangigassaannik siunnersuut. Tamanna ilaatigut pisinnaavoq inuit peqannginnerusinnaanerit periarfissiissutigalugu aamma ilinniarnep sivilissusia akuereriikkamit sivitsorlugu.

(Inatsisartunut ilaasortaq Paneeraq Olsen, Naleraq)

Siullermeernera:

Siunnersuuteqartoq Paneeraq Olsen, Naleraq, aalangiiffigissasatut siunnersuutinnut pingaaruteqarlunnartumut qujanaq.

Meeqqat inuusuttullu tarnimikkut nappaatillit ilinniakkaminnik ingerlataqarlutik peqataasinnaanerit aamma naammassinnissinnaanerit pingaaruteqarlunnartuuvoq, nunatsinnimmi kikkut tamat atorfis-saqartippagut. Qularnanngitsumimmi amerlasuut naammassinninnissartik takorluugariuaannarpaat taamaakkaluortoq ilaqarpugut tarnimikkut nappaateqartuni taakkualu aamma pitsaasumik angusaqarnissaat pisariaqarlunnarpoq.

Ilinniartitaanerup nukittorsarneqarnissaa nunatsinni pingaartuuvoq, kikkut tamat peqataatinneqarnissaannut, ilinniarnermimi inuit innarluutillit peqatigiilluta atukkat pitsanngorsarneqarnissaat qulakkeerlugu inuit tamarmik innarluuteqartullu inuiaqatigiinni inunnut allanut naligiisinneqarlutik peqarnissaat pingaartuuvoq.

Sullarissorpasuaqarpugut nunatsinni ersittumik isernngitsumilluunniit nappaatilinnik, arlaqarpulli ilinnialersinnaanissaminnik nalornisut taakkulu qaammarsaavigineqarnissaat pingaaruteqarlunnartuuvoq, ilaqarpummi tunuarsimaarlutik qanoq aallartinnissaminnik nalornissuteqartut.

Namminermi suleqarteqarsimavunga arlalinni ersittumik ersinngitsumilli nappaatilimmi taakkulu sulilluarlutik kiffartuussilluarput, ilinniarnissaminnik takorluugaqaraluarlutik aallarteriarnissaminnik nalornisuusut, taamaattumik nunarput tamaat qaammarsaasoqarnissaa kissaatiginarpoq neriunnarporli Naalakkersuisut tamanna eqqumaffigiumaaraat.

Ilinniarlarsimagaluarlutik ilinniakkaminnik unititsisartut nunatsinni amerlavallaarujussuarput peqquataaqataasut ilaginerpaasarpaat inuuniarnermikkut ilungersungaarlutik uniinnartartut ima paasillugu Nunatsinni inuusutissat akii qaffakkiartupiluuginnavippu ilinniartorpasuiullu angumman-niapiloorlutik pisarlutik, 2022 aallartinnerani siunnersuuteqarsimagaluarpu ilungersuuteqarlutali



Naleraq

ilinniagaqarnersiutit qaffanneqarnissaannik kisialli tamanna qaqqinneqarnissaanut itigartinneqarsimavoq teknik-ikkut aqqissugassat aqqinneqarsimannginnerat peqqutaalluni, tamannalu inissittussanngorpoq inuit sulerusunngitsuninngaaniit ilinniarnermuusiaat annikinnerulertussaalluni tamanna pissusissamisuunngilluinnarpoq. Tamannalu aqqissuuteqqinneqarnissaa tamaviaarutigisuarput ilinniakkaminnik aallartitsisut pitsaanerumik atugaqalernissaannik ilungersuuteqaqqissagatta Naleqqamiit, siunnersuutitsinnimi inuussutissarsiutigalugu ilinniartut akisarsiaasa qaffanneqarnissaa 2000-nik anguniagarilluinnaralaratsigu, nunatsinni suna tamaa akitsoriartupiloorpoq inuussutissap akii allarpasuillumi.

Siunnersuuteqartoq Paneeraq Olsen, Naleraq siunnersuutaanut qutsavigaarput siunnersuullu akueralugu.